

PINIARNEQ 2021

AALLAANIARTUNUT PAASISSUTISSAT PISANILLU NALUNAARSUIFFIIT



EQQAAMAJUK!

**Pisatit kingusinnerpaamik oktobarip
15-iani nalunaarutigissagakkit.**

Tamanna kiisalu piniarnermut allagartamik nutaamik qin-nuteqarneq immiut sullinnikkut www.sullissivik.gl-imi imaluunniit kommunip sullissiviani pisinnaavoq

IMARSIORNERMI ISUMANNAALLISAANEQ



Nalunermik iinniart.



Aallanginninni silassaq sikullu pillugit nalunaarutit internetimi KNR-imilunniit misissukkit.



Atisat oqortut eqqaamakkit.




Annanniutit nassakkit.



Sumukarniarnerlutit tamatigut iisimatitsissutiguk. Taamaaliornikkut nassaariuminarnerussaait.



Iputit orussamaatillu eqqaamakkit.



VHF, GPS, pujorsiuat, qinnuar-taat aamma imaanut nunap assinga eqqaamakkit.



Angallat kinnguppat angallatip eqqaaniinnarit.



Angalaninni sila qanoq innersoq maluginiaruk. Allanggoriataarsinnaavoq.



Angalareerlutit tikikkuit inuit iisimatinnissaat eqqaamajuk.



KALAALLIT NUNAANNI PINIARNERMI ILEQQORISSAARNEQ

Piniakkagut assigiinngitsorpassuit pinngortitarlu alutornartorsuaq piniarnermi naleqanngitsunik misigisaqarnissamut periarfissiippat, pisaq puisuuppat, arfiuppat, umimmaappat timmiaappalluunniit apeqquatainnagu. Nunatsinni piniarnermi ileqqorissaarnertut isigineqartut immikkoortuni tulliuuttuni tallimani allaaserineqarput.

- 1) Piniarneq tamarmi inatsisit atuuttut naapertorlugit ingerlanneqassaaq. Taamaattumik piffissaliussat piniarfissat, nunat piniarfissat pisassiissutillu atuuttut paasiniakkit, aamma illit kommunerisappit avataani aalajangersarneqartut. Nunat eqqissisimatinneqartut aamma timmiaqarfiit eqqaanniittut sumiiffiit immikkoortit atillersugaasut ataqqikkit taamaalilluni timmissat eqqissisimallutik piaqqisinnaaqqullugit amerleriarsinnaaqqullugillu.
- 2) Piniarnerup nuannersuuneranut ilaavoq uumasup pisariaqanngitsumik naallitsinneqannginnissaa. Taamaattumik pingaaruteqarpoq aallaasini sulloqqortusutsip eqqortup atorineqarnissaa isumannaatsumillu ungasippallaanngitsumiit seqqortuaannartarit. Uumasup aatorneqarsimasup nammaneqarnissaata qanillisarniarnissaa pillugu uumasut pissatarineqassanngillat ungoorneqassanattillu.
- 3) Nunatsinni inoqutiginnut, atisanut aamma eqqumiitsuliornikkut atortusiasanik atuinitsinni uumasup tamarmiusup atorineqarnissaa ileqqoraarput. Taamaattumik pisaqaruit neqi allallu nerineqarsinnaasut, atorineqarsinnaasullu allat tamakkerlugit nassartakkit. Taamaaliornikkut pisuussutit uumassusillit ataatsimut pigisavut pitsaanerpaamik pissarsiffigissavagut.



Kangerlussuarmi tuttu neqaannik atorluanaanermik assersuutissaqgissoq.

- 4) Piniariarlutit aallanninninni sakkutit misissoqqaakkit. Aallaasivit piniagas-sanut atorneqartinnagu oqattaatigineqarsimanissaa isumannaaruk. Uumasup aallaaniakkavit inummik tunuaniittoqarnersoq tamatigut misissoqqaartassavat. Inuit allat, inissiat, angallatit allallu tungaannut aamma illoqarfiup iluani seqqunngisaannarit.
- 5) Uumasut pisisatit pillugit tamatigut allattuiuaannartarit taamaalillutit pini- arnermut allagartat nutarterneqartussanngorpat ukiumoortumik immersugassat ajornannginnerusumik immersorsinnaaqqullugu. Piniagassat killilersukkat tamaasa pillugit pisanik immikkut nalunaarsuiffissaq immersoruk utertillugulu, taamaalilluni piniagassaqaassutit ineriartorneri pillugit ingerlatsivik sapinngisamik pitsaanerpaamik ilisimasaqalersillugu.

Pinngortitaq imaannaanngitsoq nunallu annertuut pillugit isumannaallissaaneq annertuumik pingaartinneqassaaq. Mappersakkap matuma ungaluani imaatigut isumannaallissaaneq pillugu annertunerusumik atuariat.

PINNGORTITAMI MISIGISAT AAMMA IGITAT

Pinngortitaq alianaatsuuvoq nunatsinni sumulluunniit pigaluaaraanni. Ukiunili kingullerni nunani tikitani alianaatsortaa takujuminaallisimavoq. Siusinnerusuk- kut nunat alianaatsorsuusimasut maannakkut igitanik qimaannakkanik, puiguk- kanik imaluunniit aalisarnermut piniarnermullu atortunik qimaannakkanik an- naasanillu mingutsinneqarsimapput. Taamatut ileqqorloqalerneq piaarnerpaamik unitsittariaqarparput. Pinngortitameereernerup kingorna saliinissaq igitassallu il.il. illoqarfimmuut nunaqarfimmulluunniit oqqunnissaat ajornartorsiutaasariaqanngi- laq. Illoqarfinni amerlanerni umiatsianut puttasut eqqaanni containerit eqqaaviit inissinneqarkuupput, igitassallu iginneqarnissaat akeqarani. Taamaattumik anga- lasimagaangavit igitassatit tamatigut nassartakkit. Taamaasiorneq uagutsinnut, kingulissatsinnut, pinngortitami piniarnermilu pitsaanerpaamik misigisaqartitsis- saaq.

Piniarluarina!

INGERLATSIVIMMIIT NUTAARSIASSAT

TUTTUNNUT AAMMA UMIMMANNUT AKUERSISSUTIT PISANIK NALUNAARUTITALIMMIK UTERTINNEQARTUSSAAPPUT

Nunatsinni inuussutissarsiutigalugu sunngiffimilu piniartut tuttunniarnermik nuannarisaqartuupput, tamanna tuttunniarnissamut akuersissutit tunniunneqartarut amerlassusaat malillugu malunnarluinnarpoq. Illoqarfinni nunaqarfinnilu sumiiffinni sullissiviit piniartunut



tuttunniarnissamut akuersissutinik tunniussisartuupput, taamatuttaarlu akuersissutit tunniunneqartut utertinneqartullu nalunaarsorneqartarnissaat pillugu suliaqartartuullutik. Piniartut akuersissuteqarnertalimmik tuttunniarsinnaalernerminni inatsisit malillugit akuersissutip tunuaniittumik pisanik nalunaarsuiffimmik immersuinissamik pisussaaffeqalerput taamatullu aamma akuersissutip utertinneqarnissaanik. Akuersissummik immersuinikkut pisanik nalunaaruteqarnermi pisaqarfiit, tuttut suaassusaat, utoqaassusaat/ angissusaat aamma tunnoqassusaat nalunaarutigineqartartussaapput.

Pisanik nalunaaruteqarnerit APNN-ip aqutsinermi aamma biologit inassuteqaasiornerminni atortarpaat, inassuteqaasiorinissamullu pitsaanerpaamik tungaveqarnissaq tassaalluni tuttoqatigiit pillugit sukumiisumik ilisimasaqarnissaq. Pisanik nalunaaruteqarnissaq taamaalilluni pingaaruteqarluinnarpoq, allaat Piniarnermut Naalakkersuisumit ukiumoortumik tuttunniarnissamut pisassiissutinik piffissaliussanillu aalajangiinissamut atorineqartarlutik.

Akuersissutit tamarmik pisanik nalunaaruteqarnertalimmik immersorneqartarnissaat utertinneqartarnissaallu APNN-miit ilaatigut TV-kkut allagartalersuinikkut ukiuni kingullerni sulissutigineqarpoq, kisianni akuersissutit utertinneqanngitsut suli amerlavallaarujussuarlutik. Tamanna kisitsisinik assersuutigalugu Nuummeersunik misissuigaanni ersarilluinnarpoq. Tuttunniarnissamut akuersissutit Nuummi 2019-mi tunniunneqartut utertinneqartullu taamaalillugit Kommuneqarfik Sermersuummi Sullissivik suleqatigalugu nalunaarsorneqartut kisitsisinngorlugit imaapput:

Nuuk	Tunniunneqartut	Utertinneqartut	Procent-inngorlugit
Sunngiffimmi	2.891	418	14,4 %
Inuussutissarsiuti-galugu	261	24	9,1 %
Katillugit	3.152	442	14,0 %

Inuussutissarsiutigalugulu aamma sunngiffimmi piniartut pisanik nalunaaruteqarnerluttorujussuusut ersarilluinnarpoq. APNN-mi maleruagassat maannakkut sukaterineqarnissaat sulissutigineqarpoq, ilaatigut piniarnermut aallaaniarnermullu inatsisip kiisalu nalunaarutit atuuttut nutarterneqarnerisigut. Tassani tuttunniarnermi umimmanniarnermilu pisanik nalunaaruteqartannginneq immikkut eqqarsaatigineqarluni. Pisanik nalunaaruteqartannginneq siunissami inuussutissarsiutigalugu aamma sunngiffimmi piniartunut akuersissutinik qinnuteqarsinnaanermik periarfissaqarnermut kinguneqarsinnaalissaaq, tuttut pillugit nalunaarummi §§ 19-20 aamma § 25 kiisalu umimmaat pillugit nalunaarummi §§ 20-21 aamma § 26 takukkit. Ajournerpaamik pisoqarpat piniarsinnanermut allagartamik piffissami killilikkami arsaagaasoqarsinnaavoq.



Tuttunniarnerup nalaani Nuummi Kalaalimineerniarfimmi nutaami pisiassateqarluarpoq.

Pisanik nalunaaruteqartannginneq pillugu kommunimiit tuttunniarnissamut akuersissutit marlukkaaginnarlugit tunniunneqarsinnaalereerput (piniarfinnut assi-giinngitsunut marlunnut) tamannalu inuussutissarsiutigalugulu (akuersissummut tuttut qulit) aamma sunngiffimmi piniartunut (akuersissummut tuttut tallimat). Akuersissutinik pisanik naammaginartumik immersorneqartunik utertitsinikkut aatsaat akuersissutinik nutaanik qinnuteqartoqarsinnaavoq.

Piniarnermut allagartap 1. Maaji sioqqullugu akilereersimanissaa pillugu piumasagaat aamma atuussinnaavoq, tamannalu inuussutissarsiutigalugu aamma sunngiffimmi piniartunut ilaannut piffissaq eqqorlugu akiliisimangitsunut kinguneqarsinnaasarpoq.

APNN-imiit eqqaasitsissutigissavarput inuussutissarsiutigalugu aamma sunngiffimmi piniartut tuttuniarnermiit aamma umimmanniarnermiit inatsisitigut pisanik nalunaaruteqarnissamut pisussaaffeqartut. Taamaamat illit akuersissutip-pit pisanik nalunaarutitalimmik utertinneqarnissaa piumasarineqarpoq – aamma pisaqarsimangikkaluaruilluunniit. PINIARNEQ aqutigalugu ukiumoortumik pisanik nalunaaruteqarneq nalinginnaasoq akuersissutip tunuaniittumik pisanik sukumiinerusumik nalunaaruteqarnermik ilaneqartussaavoq.

KALAALIMERNGIT

Alisarnermut, Piniarnermut Nunalerinermullu Naalakkersuisoqarfimmi (APNN) ukkatarineqartut ilaagaat Kalaaliminernik atorluaanerunissaq, sumiiffimmi nerisassatsinnik immitsinnut pilersuinissatsinnut tapertaalluurtuummata. Pisuus-tivut aalisakkat, qaleruallit, timmissat, immami nunamilu miluumasut, naasut, paarnat, immap naasui kiisalu nunalerinermiit tunisassiat assigiinngitsorpas-suupput. Pisuussutit pineqartut tamarmik tulluusimaarutigisinnaavagut, sulilu annerujussuarmik atorluartariaqarpagut. Annerusumik atorluaanikkut ilaatigut aalisartortavut, piniartortavut aamma nunalerisortavut aningaasanik isertitaqar-nerunissamut periarfissaqarnerulissapput. Taassuma saniatigut pisuussutit pine-qartut atorluarnerugutsigit allanngorartumik peqqinnartumillu nerisaqarsinnaas-aagut.

Kalaaliminernik suli annerusumik atorluaanissaq anguniarlugu Kalaalimerngit assigiinngitsut pillugit nunatsinni tamanut ilaatigut ammasumik paasissutissiinik-kut APNN-imiit ingerlanneqartarpoq. Tamanna paasissutissiinermik suliaqarnik-kut, aqqissuussinikkut aamma suliniuteqarnikkut pisarpoq. Assersuutigalugu taaneqarsinnaapput puisit neqaannik, tuttut aamma umimmaat neqaannik (New Arctic Kitchen) atorluaanerunissaq pillugu suliniutit 2019-mi ingerlanneqartut APNN-imiit suleqataaffigineqartut. Qeqqussat pillugit innuttaasunut aqqissuus-sineq 2020-mi Nuummi ingerlanneqartoq APNN-imiit suleqataaffigineqarpoq

kiisalu Kalaalimerngit pillugit suliniut digitaliusoq annerusoq APNN-imiit aal-larnerneqarluni. Tassani nerisassiornermut tunngasut kultuurikkut kingornussavut imaannaanngitsut isigineqarput taakkulu kultuurikkut naleqassusaat Kalaallit Nunaanneersut tamaneersut ilitersuutit pissarsiarineqarsinnaasut katersorneqarlu-tik nalunaarsorneqarlutilla.

Sumiiffimmi pisuussutinik nerisassanik atorluaanerunissaq Kalaallit Nunaata gas-sinik aniatitsinerup millisinneqarnissaa pillugu anguniagaanut aamma iluaqu-taassaaq kiisalu innuttaasunut aamma takornarianut nerisaqarnikkut misigisanik amerlanerusunik pilersitsissaaq.

PINIARNERMUT ALLAGARTAT – UKIUMOORTUMIK PISANIK NALUNAARNEQ, QANOQ NALUNAARTARPAT AAMMA SOOQ NALUNAARTARPAT

Piniarnermut allagartat nutarterniarukku ukiup siuliani pisatit nalunaarutigeq-qaartussaavatit. Imminut sullinnissamut periarfissaaq www.sullissivik.gl aqqu-tigalugu atorsinnaavat imaluunniit kommuunip sullissiviani Aalipi atorlugu.

Aalipip ingerlaannaq ukiumut pisanik nalunaarsuiffissaaq nuisittarpaa.

Eqqumaffigissavat nammineq sullissivinnii piniariaatsit assigiinngitsut toqqa-gassaammata, ukiumut nalunaarsuiffissamiillu pappiliamit toqqagassaqarnerul-luni. Pisanik nalunaarsuiffik ukiup ingerlanerani qaammatit tamaasa eqqaamatit-sissutissatut atorineqarsinnaavoq.

Pisat pillugit paasisutissat pineqartut ingerlatsinermut qulakkeerinnissapput siunnersuineq taamaasilluni pitsaanerulissaaq.

Uumasut piniagassat pisat qaammallu sunaanersoq nalunaarutigineqassapput:

- Pisat amerlassusaat piniariaaserlu (sakkoq = aallaat imaluunniit qassutit).
- Pisisuukkat amerlassusaat.
- Pissatat kivisitallu.

Uumasut piniagassat aallaammik pisatut nalunaarsorneqarsinnaapput, taamaat-tumillu pissatatut kivisitattullu. Miluumasut imarmiut tamarmik timmissallu pisisuukkatut nalunaarsorneqarsinnaapput.

Puisit aamma qilalukkat qaqortat qernertallu qassutinik pisatut akuerineqarni-kut kisimik nalunaarsorneqarsinnaapput.

Pisisuukkat pitsaanerusumik nalunaarsorneqarnissaat nunatsinni nunanilu al-lani ukiuni qulikkaarutni kingullerni eqqumaffigineqaraluttuinnarput. Taamaam-mat pisisuukkat ikilineqarnissaat sulissutigineqarpoq, tamannalu aalisartumut

piniartumullu iluaqutaassalluni. Nunatsinni aalisarnermi MSC-mik nalunaarusia-liortarnermut atatillugu aamma pitsaanerusemik nalunaaruteqarnissaq ukkatarineqarpoq.

Pissatat kivisitallu pillugit paasissutissat piniartunut ataasiakkaanut ersersit-tarjaa seqqornermi piniagaq eqqortumik aallaneqarsimanersoq piaartumik toqunneqarnissaa eqqarsaatigalugu, kiisalu sulloqqortussuseq imassallu suunera eqqarsaatigalugu. Aallaaseq eqqortumik nakersarneqarsimanissaa aamma sunnee-qataasinnaavoq. Pissatat kivisitallu amerlappata isumaqariaannaavoq toqutseri-aaseq nalilersorneqartariaqartoq immaqalu pitsanngorsarneqartariaqartoq.

PINIARNERMUT ALLAGARTAT SIUNISSAMI SULI DIGITAL-INNGORTINNERUNISSAAT

Piniarsinnaanermut allagartap www.sullissivik.gl-mi toqqaannartumik akilersinnaanissaa pillugu akiliisinnaanermut moduuli nutaaq piffissap sivikitsup iluani atulersinneqassaaq. Innuttaasut taamaalillutik piniarsinnaanermut allagartassartik imminut sullinnikkut ingerlaannaq akilersinnaalissavaat kingornalu piniarsinnaanermut allagartaq ingerlaannaq atuutilissaaq atorsinnaalerlunilu. Taamaaliornikkut piniarsinnaanermut allagartap saniatigut akiliisimanermut uppernarsaammik nassataqarnissaq pisariaqarunnaassaaq. Taamaattorli piniarsinnaanermut allagartaq suli pisarnertut netbank aqqutigalugu imaluunniit allakkerisarfikku akilerneqarsinnaassaaq.

Taassuma saniatigut suliniutit pissanganartut allat aamma ingerlanneqarput taakkulu aamma piaarnerpaamik atulersinneqarnissaat naatsorsuutigineqarpoq. Suliniutit ataatsimut isigalugit siunertaraat piniarsinnaanermut allagartaqarneq aamma pisanik nalunaaruteqarneq pillugu sullissinerup atuisumiit isigalugu pitsaanerpaanngortinnissaa, piuminarnerulersinneqarnissaa kiisalu pitsaanerulersinneqarnissaa. Suliniutinut ilaatigut piniarsinnaanermut allagartanut qinnuteqarnerup, akiliinerup aamma qarasaasiakkut toqqorterinerup iserfigineqarnissaa suli ajornannginnerulersitsinissamik imaqarput kiisalu digitalikkut ataavartumik pisanik nalunaaruteqarneq akuersissutinullu moduuli akuersissutinik qarasaasiakkut immersorneqarsinnaasunik aallerfiusinnaasumik. Kingullertut taaneqartoq aallaqqaammut tutunut aamma umimmannut akuersissutinik periarfissiissaaq, kisianni piffissaq ungasinnerusoq eqqarsaatigalugu piniakkat killilersukkat allat ilanngunneqarumaarputtaaq.

UNIOQQUTITSISUMIK PINIARNERMIK TAKUNNITTUUVIT?

APNN unioqqutitsisumik piniarneq pillugu saaffiginnissutinik imaluunniit tamanna pillugu pasilliutinik tigusaqakulasarpoq, saaffiginnittorlu pisoqartillugu imaluunniit pisoqareertillugu qanoq iliornissani nalusarlugu. Unioqqutitsisumik piniarneq piniarnissamat piffissaliussap avataani pisimasinnaavoq, piniakkat killilersukkat akuersissutitaqanngitsumik piniarneqarsimasinnaapput, amerlaval-laanik pisaqartoqarsimasinnaavoq imaluunniit inerteqqutaasumik piniariaaseq atorlugu piniartoqarsimasinnaavoq il. il. Saaffiginnissutit APNN-imi tiguneqaraangata uppersaatinik piumasarpugut, soorlu aqqi, sumiiffik, assinik kiisalu unioqqutitsineq videoliarineqarsimassapat video-nik, pissutigalugu Politiinut nalunaarutiginninnermi atortariaqarmata. Nakkutilliisut aamma sulikkertarpagut suliaq erseqqinnerusumik misissoqqullugu uppersaatinillu pissarsiaqaqqullugit. Unioqqutitsinerit pillugit qanorlu Politiinut nalunaarutigineqarnissaat pillugu APNN malittarisasaqarpoq, inatsisit taamaalillutik malinneqartarlutik.

Nakkutilliisut suliassaraat aqutsiveqarfinni nakkutilliineq, kisianni innuttaasut unioqqutitsisumik piniarnermik takunnissimagaangamik pisussaaffigaat APNN-imut, Kommunimut imaluunniit Politiinut saaffiginninnissaq. Taamaattorli pisumik Politiinut nalunaarutigineqartumik siullermit takunnittoqarsimanissaa pingaaruteqarpoq, pissutigalugu pisumik takunnittut – pisoq pineqartoq pillugu oqaluttuarsinnaammata takunninngitsut pisumik takunnittumiit oqaluttuarfigineqartumiit imaluunniit takunnittumiit oqaluttuarfigineqartumiit oqaluttuarfigineqaannartut sanilliullugit.

Pisumik takunnissimaguit imatut iliorsinnavutit (*):

- Unioqqutitsisumik pisoqarnerani assiliisarlutit imaluunniit videoliorlutit. Assit videollu internet-imeersut uppersaatatit atorsinnaanngillat pissutigalugu qanga pisimanersoq takussutissartaqanngimmat.
- Assit videollu internet-imeersut pisup misissorneqarnerani atorsinnaapput.
- APNN-imut, sumiiffimmi Nakkutilliisunut, Kommunemut imaluunniit Politiinut telefonikkut, mailikkut imaluunniit nammineq ornigullutit saaffiginnillutit.
- Pineqartup atia – imaluunniit pineqartut atii – nalunaarutigalugit.
- Piniakkap suunera aamma aqutsiveqarfiup sorliunera nalunaarutigalugu.
- Pisoq sapinngisamik sukumiinerpaamik oqaluttuaralugu (APNN, Kommune imaluunniit Politiit pisup allaganngorlugu oqaluttuarineqarnissaa piumanerus-savaat, pissutigalugu illit nammineq pisoq pillugu oqaluttuarisat suliap ingerlanerani nukittunerpaatut inissisimassamat).

**: takunnittup oqaluttuarnera assinut imaluunniit videonut sanilliullugit uppersa- ruminaannerusarpoq, kisianni suliap ingerlanerani iluaqutaalluni. Naggataatigut*

Politiit aalajangissavaat uppernarsaatit qanoq atorluarsinnaatiginersut – ilumullu inatsisunik unioqqutitsisoqarsimanersaq.

UKIUMOORTUMIK IMMERSUIFFISSAMI ALLANNGUUTIT PINGAARUTILLIT

Ukiumoortumik immersuiffissami piniakkat uku ilaajunnaarput: qilalugaq qaqortaq, qilalugaq qernertaq, aaveq aamma nanoq. Taakkuninnga pisaqartarnerit pisanik immersuiffissat immikkut ittut akuersissutinut ilanngullugit tunniunneqartartut atorlugit nalunaarutigineqartartussaapput. Pisaqareernerup kingorna pisamik immersuiffissaq kommuniq allaffianut piaarnerpaamik tunniunnessaaq. Piniakkanik pineqartunik pisaqarsimaguit pisussaaffeqarputit malittarisassat malinneqarnissaat.

Piniakkat sinneri eqqarsaatigalugit pisatit suli ukiumoortumik immersuiffissaq atorlugu nalunaarutigisassavatit. Tamanna [kingusinnerpaamik 15. Oktobarimi 2021-mi](#) [www.sullissivik.gl-mi/selvbetjening-mi](#) isumagissavat imaluunniit kommuniq innuttaasunut sullissivia aqutugalugu, Sullissivimmik aamma taaneqartoq.

PINIARIANNGINNERNI AKUERSISSUMMIK PISSARSEQQAARIT

Taamaammat Aalisarnermut Piniarnermut Nunalerinermullu Naalakkersuisoqarfiup pisassiissutilinnik piniariartartunut tamanut kaammattuutigerusuppaa akuersissutinik aalleqqaarnissaq piniariannginnermi. Tassami piniariannginnermi akuersissutinik piniaqqaarsimagaanni, piniariarfimmullu nassarlugu, akiligassat pineqaatissiisutaasinnaasullu allat pinngitsoorneqarsinnaammata.

Akiligassiisutip tusintillit arlaqartut angusinnaasarpaa, apeqqutaalluni uumasut qassit, uumasq suna taavalu aalajangersakkat qassit unioqqutissimanerlugit. Pisamik arsaarinnineq pineqarsimangippat akiligassamik annertunermik takkuttoqarsinnaavoq, pisap nalinga akiligassamat ilanngunneqarsimassamat. Arlaleriarluni unioqqutisinnermi piffimmik aalajangersimasumik piniarnermik allagartaqaqqusaannginnermik kinguneqariataarsinnaavoq.

Akuersissutissat piffissaqarluartillutit kommune sumiiffigisannut aaguk!

PINIAGASSAT ASSIGIINNGITSUT PILLUGIT PAASSISSUTISSAT: INATSISIT, PIFFISSALIUSSAT AAMMA MALERUAGASSAT

NANNUT

Inatsisit: Kalaallit Nunaanni nannunniarneq inatsisitigut nannunik piniarneq illersuinerlu pillugit Namminersorlutik Oqartussat nalunaarutaat nr. 3, 14. sept. 2018-imeersumi malittarisassiuunneqarpoq.

Nannunniarnissamut piffissaliussat: Kalaallit Nunaata Kitaani (Nanortalik-Qaanaaq) septembarip aallaqqaataaniit juunip 30-iat ilanngullugu, Tunumilu (Ittoq-qortoormiit aamma Tasiilaq) oktobarip aallaqqaataaniit juulip 31-iat ilanngullugu.

Ilitsersuutit: Nannunik naammattuinnermi qanoq pissuseqarnissamut ilitsersuut Namminersorlutik Oqartussat nutarternikuuat, tassani aamma nannup toqunneqarnerata kingorna amia, niaquata saarnga aamma aqajarua qanoq passunneqasansersut ilanngunneqarlutik. Ilitsersuut aamma nittartakkami www.businessin-greenland.gl aqutugalugu pissarsiarineqarsinnaavoq.

Sulloqortussutsinut piumasaqaat: Cal. .30-06.

Pisarineqartut 2014-2019	2014	2015	2016	2017	2018	2019
Tamakkerlugit	143	142	120	142	158	140

AARRIT

Inatsisit: Aavernik piniarneq inatsisitigut aavernik illersuineq piniarnerlu pillugit Namminersornerullutik Oqartussat nalunaarutaat nr. 20, 27. oktober 2006-imeersumi malittarisassiuunneqarpoq.

Piniarnissamut piffissaliussat: Kalaallit Nunaata Kitaani aaveqatigiit 66°N – 70°30’N: martsip aallaqqaataaniit apriliip 30-iat ilanngullugu. Kitaani sumiiffiit avannarpasissutsip 70°30N-ip avannaatungaani: oktobarip aallaqqaataaniit juunip 30-iat ilanngullugu. Tunumi: oktobarip aallaqqaataaniit juunip 30-iat ilanngullugu.

Sulloqortussutsinut piumasaqaat: Cal. .30-06.

Pisarineqartut 2014-2019	2014	2015	2016	2017	2018	2019
Tamakkerlugit	127	131	135	111	98	114

ARFERIT ANGISUUT

Inatsisit: Arfernik angisuunik piniarnermi pineqarput: tikaagullik, qipoqqaq, arfvik aamma tikaagulliusaaq. Piniarneqarneri inatsisitigut arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersumi kiisalu arfattat angisuut pissatallu nalunaarutigineqartarnerat pillugu Namminersornerullutik Oqartussat nalunaarutaat nr. 12, 16. juli 2010-meersumi malittarisassiuunneqarput.

Piniarnissamut piffissaliussat: Arfvik: aprilip aallaqqaataaniit decembarip 31-iat ilanngullugu. Tikaagullit, tikaagulliusaat aamma qipoqqaat: Januarip aallaqqaataaniit decembarip 31-iat ilanngullugu.

Ilitsersuutit: Imarmiunik unioqutitsilluni pisaqartoqartillugu, imminut illersorniarluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu ilitsersuut nittartakkami www.businessingreenland.gl -imi takuneqarsinnaavoq.

Sulloqqortussutsimut piumasaqaat: Ataatsimut piniaqatigiilluni tikaagullinniarnermi: Cal. .30-06.

Pisarineqartut 2014-2019	2014	2015	2016	2017	2018	2019
Tikaagulliusaaq	12	12	9	8	7	8
Arfvik	0	1	0	0	0	0
Qipoqqaq	7	6	5	2	6	4
Tikaagullik	157	139	163	143	118	171

QILALUKKAT QAQORTAT QERNERTALLU

Inatsisit: Qilalukkanik qaqortanik qernertanillu piniarneq inatsisitigut qilalukkat qaqortat qernertallu illersugaanerat piniagaanerallu pillugit Namminersorlutik Oqartussat nalunaarutaat nr. 3, 27. januar 2017-imeersumi malittarisassiuunneqarpoq.

Piniarnissamut piffissaliussat: Ukioq kaajallallugu qaqortanik qernertanillu qilalugarniarloqartarpoq: januaarip aallaqqaataaniit decembarip 31-iat ilanngullugu.

Ilitsersuutit: Imarmiunik unioqutitsilluni pisaqartoqartillugu, imminut illersorniarluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu ilitsersuut nittartakkami www.businessingreenland.gl takuneqarsinnaavoq.

Sulloqqortussutsimut piumasaqaat: Cal. .30-06.

Pisarineqartut 2014-2019	2014	2015	2016	2017	2018	2019
Qilalukkat qaqortat	271	127	203	196	213	265
Qilalukkat qernertat	415	312	401	426	509	534

ARFERIT MIKINERIT

Arferit mikinerit tassaapput niisa, aarunaq, aarluarsuk, niisarnaq aarlullu.
Piniarnissamut piffissaliussat: Ukioq naallugu.

Pisarineqartut 2014-2019	2014	2015	2016	2017	2018	2019
Niisa	2.558	2.009	2.375	2.385	2.890	2.349
Anarnaq	11	3	3	16	0	8
Niisarnaq	433	283	195	384	399	249
Aarluk	16	23	14	18	21	16
Aarluarsuk	137	96	123	98	137	131

PUISIT

Inatsisit: Puisinniarneq inatsisitigut puisit illersugaanerat piniagaanerallu pillugit Namminersornerullutik Oqartussat nalunaarutaat nr. 16, 12. nov. 2010-meersumi malittarisassiuunneqarpoq.

Malugiuk: Qasigiaq aamma sigguttooq (puisi sigguttooq) Kalaallit Nunaanni eqqissimatitaalluinnarmata taakkualu piniarneqartunut ilaangillat.

Pisarineqartut 2014-2019	2014	2015	2016	2017	2018	2019
Natsersuaq	1.849	1.949	1.516	1.526	1.025	1.418
Ussuk	1.358	1.355	1.332	1.143	1.072	728
Aataaq	46.158	43.709	39.347	32.804	31.883	19.309
Allattooq	17.810	19.138	17.563	15.904	16.848	10.774
Natseq	64.626	57.584	48.219	40.954	48.082	32.400

Piniarnissamat piffissaliussat: Puisinniarneq ukioq kaajallallugu ingerlanneqartarpoq, januaarip aallaqqaataaniit decembarip 31-at ilanngullugu.
Sulloqqortussutsinut piumasaqaatit: Cal. 17HMR, Cal. 22WMR aamma Caliber 20.

TUTTUT

Inatsisit: Tuttunniarneq inatsisitigut Namminersorlutik Oqartussat nalunaarutaat nr. 7, tuttut nujuartat illersugaanerit piniagaanerallu pillugit 27. juni 2013-imeersumi malittarisassiunneqarpoq.

Sulloqqortussutsinut piumasaqaatit: Inuussutissarsiutigalugu aamma sunngiffimmi piniarneq: Cal. 222. Tammajuitsussarsiorluni piniarneq: Cal. .243.

Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq qarsut naqqi aalajangersimasut atornerqartillugit minnerpaamik 45-pund-nik (21 kg.) nusutsisinnaassusilik, qarsullu naqqi mekaniskiusut atornerqartillugit minnerpaamik 55-pund-nik (25 kg.) nusutsisinnaassusilik. Qarsut naqqi aalajangersimasut minnerpaamik 385 grains-nik (25 gr.) oqimaassuseqassapput, qarsuillu naqqi mekaniskiusut minnerpaamik 425 grains-nik (28 gr.) oqimaassuseqassapput.

Pisarineqartut 2014-2019	2014	2015	2016	2017	2018	2019
Tamakkerlugit	12.961	12.097	12.008	12.460	11.165	11.319

UMIMMAAT

Inatsisit: Umimmanniarneq inatsisitigut Namminersorlutik Oqartussat nalunaarutaat nr. 8, umimmaat illersugaanerit piniagaanerallu pillugit 27. juni 2013-imeersumi malittarisassiunneqarpoq.

Sulloqqortussutsinut piumasaqaatit: Inuussutissarsiutigalugu aamma sunngiffimmi piniarneq: 6.5x55mm. Tammajuitsussarsiorluni piniarneq: Cal. .30-06.

Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq minnerpaamik 60-pund-nik (28 kg.) nusutsisinnaassusilik. Qarsut minnerpaamik 525 grains-nik (34 gr.) oqimaassuseqassapput. Qarsut mekaniskiusut atoqqusaanngillat.

Pisarineqartut 2014-2019	2014	2015	2016	2017	2018	2019
Tamakkerlugit	2.394	2.386	2.656	1.568	1.835	2.177

TIMMISSAT

Inatsisit: Timmissanik piniarneq inatsisitigut timmissat illersugaanerat piniagaanerallu pillugit Namminersorlutik Oqartussat nalunaarutaanni nutaami nr. 17, 28. oktobari 2019-imeersumi malittarisassiuunneqarpoq. Sumiiffiit eqqissisimatitat nutaat tallimaapput, tulukkat aamma naajat ukiuni tallimani misileraataasuumik ukioq kaajallallugu killeqanngitsumik piniarneqarsinnaapput, Mittarfeqarfiit imaluunniit kommunit periarfissaqarput mittarfiit, eqqaaviit aamma eqqaavissuit eqqaanni tulukkat naajallu manniinik katersitsinissamut imaluunniit uuliamik serpartaatitsinissamut kiisalu timmissanik qinnuteqarnikkut nalunaaqutsersuisinnaaneq piriarfissaavoq..

Sulloqqortuussutisut piumasaqaatit: Timmiarsiut sullua annerpaamik 12-iusoq aamma qoorortuaraq sullua minnerpaamik .17-iusoq.


Piniariaatsit allat: Saaqutit nuffisilluunniit nalinginnaasumik kiisalu Zone 1-mi aamma Zone 4-mi appaliarsunniarnermi qalut aamma naperniutit ipullit.

Zone 1: Avannamut Petermann Fjord-imut killeqarpoq. Kujammullu Hammer Ø-mut killeqarluni.

Zone 2: Avannamut killeqarfia Hammer Ø. Kujammut Maligaat nalaani killeqarpoq.

Zone 3: Avannamut Maligaat killeqarfia. Kujammut Kanajorartuut killeqarfia.

Zone 4: Kujammut Kanajorartuut killeqarfia. Avammut Kap Biot killeqarfia.



Piniarnissamut piffissaliussat:

Timmissat killilersukkat – Ukiakkut aamma ukiukkut piniarneq

	Zone 1	Zone 2	Zone 3	Zone 4
Miteq	15. okt.-30. apr.	15. okt.-30. apr.	15. okt.-31. mar.	15. okt.-30. apr.
Miteq siorakitsoq	15. okt.-30. apr.	15. okt.-30. apr.	15. okt.-31. mar.	15. okt.-30. apr.
Appa	15. okt.-29. febr.	15. sept. -15. nov.	1. nov.-15. dec.	1. nov.-31. dec.
Appa sig-guttooq	15. okt.-29. febr.	15. sept. -15. nov.	1. nov.-15. dec.	1. nov.-31. dec.
Taateraag	1. sept.-31. okt. 1. mar.-31. mar.	1. sept.-31. okt. 1. mar.-31. mar.	1. sept.-31. mar.	1. sept.-31. mar.

Malugiuk: Inuussutissarsiutigalugu aamma sunngiffimmi piniartut ullormut pisa-risinnaasaat killeqarput.

Timmissat killilersukkat – Upernaakkut piniarneq

	Zone 1	Zone 2	Zone 3	Zone 4
Miteq	1. maj-31. maj	Matoqqavog	Matoqqavog	Matoqqavog
Miteq siorakitsoq	1. maj-31. maj	Matoqqavog	Matoqqavog	Matoqqavog
Appa	1. marts-15.juni	15. april-15.maj	Matoqqavog	Matoqqavog
Appa sig-guttooq	1. marts-15.juni	15. april-15.maj	Matoqqavog	Matoqqavog

Malugiuk: Inuussutissarsiutigalugu aamma sunngiffimmi piniartut ullormut pisa-risinnaasaat killeqarput.

Timmissat killilersugaanngitsut:

	Zone 1	Zone 2	Zone 3	Zone 4
Appaliar-suk	1. jan.-31. dec.	1. sept.-30. apr.	1. sept.-30. apr.	1. jan.-31. dec.
Qeer-lutooq	1. sept.-29. febr.	1. sept.-29. febr.	1. sept.-29. febr.	1. sept.-29. febr.
Nerleq sig-gukitsaq	1. sept.-30. apr.	1. sept.-30. apr.	1. sept.-30. apr.	1. sept.-31. maj
Kangoq	1. sept.-15. okt.	1. sept.-15. okt.	1. sept.-15. okt.	1. sept.-15. okt.
Canadap nerlera	1. aug.-15. okt.	1. aug.-15. okt.	1. aug.-15. okt.	1. aug.-15. okt.
Nerlermaq	1. sept.-30. apr.	1. sept.-30. apr.	1. sept.-30. apr.	1. sept.-31. maj
Serfaq	1. sept.-31. mar.	1. sept.-31. mar.	1. sept.-31. mar.	1. sept.-31. mar.
Alleq	1. sept.-29. febr.	1. sept.-29. febr.	1. sept.-29. febr.	1. sept.-29. febr.
Tulugaq	1. jan.-31. dec.	1. jan.-31. dec.	1. jan.-31. dec.	1. jan.-31. dec.
Qaqulluk	1. sept.-31. okt.	15. aug.-31. okt.	1. sept.-31. okt.	1. sept.-31. okt.
Tuullik	1. sept.-15. okt.	1. sept.-15. okt.	1. sept.-15. okt.	1. sept.-15. okt.
Aqisseq	1. sept.-30. apr.	1. sept.-31. maj	1. sept.-30. apr.	1. sept.-30. apr.
Naajaan-naq	1. sept.-30. apr.	1. sept.-30. apr.	1. sept.-30. apr.	1. sept.-30. apr.
Naajaru-jussuaq	1. jan.-31. dec.	1. jan.-31. dec.	1. jan.-31. dec.	1. jan.-31. dec.
Naajarluk	1. jan.-31. dec.	1. jan.-31. dec.	1. jan.-31. dec.	1. jan.-31. dec.
Oqaatsoq	1. sept.-31. mar.	1. sept.-31. mar.	1. sept.-31. mar.	1. sept.-31. mar.

NUNAMI MILUUMASUT ALLAT

Kukiffaajuup eqqissimatitaanera pillugu Namminersornerullutik Oqartussat nalunaarutaat nr. 13, 13. september 2004-meersoq. Kukiffaajoq Kalaallit Nunaanni eqqissimatitaalluinarpoq ukiorlu kaajallallugu piniacquasaanani.

Teriannissat illersugaanerat piniagaanerallu pillugit Namminersorlutik Oqartussat nalunaarutaat nutaaq nr. 14, 18. oktober 2019-imeersoq. Teriannissat ukiuni tallimani misileraataasumik inuusutissarsiuqtaq imaluunniit sunngiffimmi piniarnermut allagartallinnit inoqarfiit, savaateqarfiit aamma qimuttunik qimmeqarfiit eqqaanni ukioq kaajallallugu piniarneqarsinnaapput. Tamanna Kalaallit Nunaat tamakkerlugu nuna allanngutsaaliugaq minillugu atuuppoq.

Piniarnissamut piffissaliussaq: Septembarip 16-ianiit maajip 14-iat ilanngullugu. Taamaattorli inoqarfiit, savaateqarfiit aamma qimuttunik qimmeqarfiit eqqaanni ukioq kaajallallugu.

Sulloqqortussutsinut piimasaqaatit: Qoorortuut sulloqqortussutsit akuerisat minnerpaaffiat .17-iuvoq. Sakkut eqittaannartakkat nutsuinnartakkallu atoqqusaanngillat.

Malugiuk: Kommunit/aqutsiveqarfiit ilaanni piniarnermut piffissaliussat atortullu pillugit malitarisassat kommunip ileqqoreqqusaatigut allaanerusinnaapput. Taamaammatt kommuni najugaqarfigisat saaffigiuk.

Pisarineqartut 2014-2019	2014	2015	2016	2017	2018	2019
Katillugit	1.691	1.220	962	1.093	911	451

Kalaallit Nunaanni ukallit eqqissimatitaanerat pillugu Namminersornerullutik Oqartussat nalunaarutaat nr. 19, 17. maj 1989-imeersoq.

Piniarnissamut piffissaliussaq: Aggustip aallaqqaataaniit apriliip 30-iat ilanngullugu.

Sulloqqortussutsinut piimasaqaatit: Timmiarsiut, qoorortuaraq aamma qoorortoq nalinginnaasoq. Sakkut eqittaannartakkat nutsuinnartakkallu atoqqusaanngillat.

Malugiuk: Kommunit/aqutsiveqarfiit ilaanni piniarnermut piffissaliussat atortullu pillugit malitarisassat kommunip ileqqoreqqusaatigut allaanerusinnaapput. Taamaammatt kommuni najugaqarfigisat saaffigiuk.

Pisarineqartut 2014-2019	2014	2015	2016	2017	2018	2019
Katillugit	2.269	2.265	2.402	2.092	1.527	1.068

Kalaallit Nunaanni amaqqut eqqissimatitaanerat pillugu Namminersornerulutik Oqartussat nalunaarutaat nr. 9, 5. maj 1988-imeersoq.

Amaqquq eqqissimatitaalluinnarput taamaallaallu Ittoqqortoormiit eqqaani Jameson Land-mi aamma Liverpool Land-mi piniarneqarsinnaallutik. Nalunaarutitip nutarterneqarnera ingerlanneqarpoq. Amaqqut pillugit nalunaarut maanakkut nutarterneqarpoq, taamaattumik allannguuteqartorsinnaasoq eqqumaf-figissavat.

Kommunimi ileqqoreqqusat

Kommunini ileqqoreqqusaliat arlallit pigineqarput piniarnermik malittarisassanit sukannernerusinnaasut. Taamaattumik kommunimut angerlarsimaffigisannut saaffiginnigit ileqqoreqqusat sorliit kommuninni atuunnersut paasiniarlugit. Assersuutigalugu nunatsinni kommunit ilaanni makkununga tunngasuni ileqqoreqqusaqartitsisoqarpoq: puisinniarneq, puisinut qassusersorneq, timmiarniarneq, qilalukkanut qaqortanut qernertanullu qassusersorneq, qilalukkanut qernertanik piniarneq, arfernik pilanneq aamma assartuutitut pillugit ileqqoreqqusaliat.

**NAJUKKANNI PINIARNERMUT AALAJANGERSAKKAT
PILLUGIT APEQQUTIT**

Najukkanni piniarnermut aalajangersakkat nalornissutigukkit kommunimi inuussutissarsiornermut siunnersorti aperisinnaavat imaluunniit Aalisarnermut Piniarnermullu Naalakkersuisoqarfimmi Piniarnermut Aallaaniarnermullu Im-
mikkoortortaarfik piniakkat killilersukkat killilersugaanngitsullu pillugit aqutsi-
nermik akisussaasuusoq.

Kommunip najugarisanni piniarnermut tunngasorpassuarnik akisuteqarfigisin-
naavaatit, soorlu najukkanni piffissat piniarfiusut atuuttut pillugit, uumasunut
killilersukkanut akuersissummik qanoq pissarsisoqartarnera, uumasunik killiler-
sukkanik immikkut nalunaarsuiffiit immersorneqarnissaat allarpasuillu pillugit.

Aammattaaq nittartagaq www.sullissivik.gl aqutitigalugu piniakkanut tunngasut
nalinginnaasumik paasissutissat pissarsiarineqarsinnaapput.

PINIARNERMUT ALLAGARTALERINERMI IMMINUT SULLISINEQ

Ukiumoortumik pisanik nalunaarsuiffik Aalisarnermut, Piniarnermut Nunalerinermullu Naalakkersuisoqarfimmut nassiuqqarneq ajorput, illit nammineq www.sullissivik.gl aqqutigalugu imaluunniit najukkanni Sullissivimmi nalunaarutigisassavatit. Piniarnermut allagartalersuinermit tunngasut taakku marluk aqqutigalugit iserfigisinnaavatit, tassanilu aamma piniarnermut allagartat ukiup ingerlanerani tammaassimagukku anillatseqqissinnaavat imaluunniit pdf-tut toqqorsinnaallugu. Netbank aqqutigalugu akiliisimanermit uppersarsaatip anillatseqqinnissaa eqqaamassavat.

Piniarnermut allagartamik immikkut akuerineqarnissaaq pillugu qinnuteqaatit Aalisarnermut, Piniarnermut Nunalerinermullu Naalakkersuisoqarfiup sulisuliasarpai.

Piniarnermut allagartat pappiaraq A4-tut angissuseqarpoq. Allakkerivimmi akiliisimaguit eqqaamallugu illit atit allaqqasortaliup nassarnissaa. Tassa taanna akiliisimanermit uppersarsaat ilanngullugu piniarnermut allagartaasoq. Piniarnermut allagartat sulii plastikkimik poorsinnaavat PINIARNEQ tunniunneqaraangat ilanngullugu tunniunneqartartumik.

The screenshot shows a web browser window with the URL https://www.sullissivik.gl/Emner/lagt_Fangst_og_Fiskeri/lagtbevis/Fritidsjagtbevis_samlet?sc_lang=kl-GL. The browser tabs include "Sungiffimmi piniarnermut al..." and "Konverter". The website header features the logo "sullissivik.gl" with the tagline "ILLIT ALLAFFEQARFINNUT SERFISAT". Navigation links include "Sammissaq toqqaruk", "Imminut sullineq", and a user profile icon labeled "Kommune". Below the header, there are two buttons: "Aallaaniarneq, piniarneq aalisarnerlu" and "Piniarnermut allagartaq". A main heading reads "Sungiffimmi piniarnermut allagartaq", followed by a sub-heading "Maana qinnuteqarfit, nutarterigit pisanilluunniit nalunaaruteqarfit". A large image of a mountain landscape is shown with a white exclamation mark icon. Below the image, the text "Kommunerisannuinaq aalajangersimasunik paasisutissaaqarpoq" and "Kommune toqqaruk" are displayed. At the bottom, there are four buttons: "Avannaata Kommunia", "Kommune Qeqertalik", "Qeqqata Kommunia", and "Kommuneqarfik Sermersooq".

Aallaaniameq, piniarneq aalisarnerlu Piniarnermut allagartaq

Sunggiffimmi piniarnermut allagartaq

Maana qinnuteqarit, nutarterigit pisanilluunniit nalunaaruteqarit

Nalinginnaasumik paasissutissiineq

Kikkulluunniit piniarusuttut piniarnermut allagartaqassapput. Sunggiffimmi piniarnermut allagartaq pisanut nammineq atugassanut atorneqassaaq. Sunggiffimmi piniarnermut allagartaqarnermittaaq uumasunik pisassiisutaasunik piniarissamat akuersissutinik qinnuteqamissamat pisinnaatitaaffeqarputit, assersuutugalugu umimmaat tutullu, aammalu aqutsiveqarfiit ilaanni qilalukkat qernertat qaqqortallu.

Kommun
Postboks
3900 Nuul
Oqarasua
Fax: 31 11
E-mail: [ko](#)
Nittartaga

NemID pigisat atorlugu iserit



NEM ID
SULLISSIVIK

Atuisup ilisarnaataa

Isissutissatut kode [ilisamaait puigorpluk?](#)

Tullia

NemID sunaana?

Imminut sullinnissamat aqqiissutit atoriarukkit, illit nammineq NemID-it pigisat isertaatitut atussavat.

[NemID sukumilinerusumik atuaruk](#)

[Imatut isissaatit](#)

[Isissutissat puigorsimagukku](#)

[Iserniarlunga ajornartorsiuteqarpunga](#)